

Jumma Namaz Se Pehle Aur Baad Ki Sunnat Namaz Ke Dalail

DECEMBER 10, 2014MARCH 29, 2016 / SK AVAIZ HUSSAIN

Jumma Namaz Se Qabal(Pehle) 4 Rakat (Sunnat-E-Mauqadah) Parhna, Phir Namaz-E-Jumma Ke Khatam Hone Ke Baad 4 (Sunnat-E-Mauqadah) Rakaat Phir 2 Rakaat (Sunnat-E-Ghair Muaqadah)Parhne Ke Qail Hain, Jo Sahih Hadeeso Aur Aasaar-E-Sahaba (Raz) Se Sabit Hai Pehle Hum Fiqah Hanfi Ko Dekhte Hain Phir Rasool Ke Farman Se Qabal Fiqah Hanfi,Maliki,Shafi Aur Hanbali Ko Dekhte Hain...

Fiqah Hanafi:

Jumma Namaz Se Qabal 4 Rakat Aur Namaz-E-Jummah ke baad 4 Rakat Ek Salam Se Parha Sunnat he, warna sunnat ke khilaf warzi hoge..

[Radd al-Mukhtar: 1/452]

Imam Abu Yusuf Rah Aur Imam Tahawi Hanafi Rah Ka Farman Tha Ke, Jumuah Namaz Ke Baad 6 Rakat Parhna Sunnat Hai..

[Sharh Ma'ani Al-Aasaar: 1/337]

Fiqah Malikiya:

Shaikh Yusuf Al-Dijwi Al-Maliki Rah (misar Ke Maliki Mazhab Ke Alim Hain) Farmatey Hain: Main Dalail Ke Wajah Se Kehta Hoon Ke Yeh Jumma Se Qabal 4 Rakaat Parhna Sahih Hai Aur Ummat Ke

Ahle Ilm Ka Ispar Amal Raha Hai Agarche Maliki Mazhab Me Iski Koi Gunjais Nahi..

[Maqalaat Dijwi: 4/1370, Dar Al-Basaair]

Hafiz Iraaqi Rah Farmatey Hain: "Jumuah Namaz Se Qabal 4 Rakaton Ke Mutaliq Jitne Bhi Ahadees Ayi Hain Unka Radd Karna Galati Hai...

[Tarh Al-Tathreeb: 3/36, Ilmiyyah]

Fiqah Shafai:

Imam Nawawi As-Shafi Rah Likhtey Hain- "Jumuah Namaz Se Qabaal 4 Rakaton Ka Parhna Sunnat Hai"

[Tuhfah Al-Muhtaj: 1/374, Maktaba Al-Thiqafa Al-Deeniyyah]

Imam Shafi Rah Ka Qaul Hai Ke Namaaz-E-Jumuah Ke Baad 4 Rakat (Sunnat) Parhna Chaiye...

[Kitab Al-Umm: 7/176]

Fiqah Hanbali:

Imam Ahmad Bin Hanbal Rah Ka Ek Qaul Hai Ke Jumuah Namaz Ke Baad Jo Chahe 2 Rakat Parhe Jo Chahe 4 Rakat Parhe...

[Al-Mugni Lil Ibn Qudamah Hanbali: 2/109]

Imam Ahmad Bin Hambal Rah Ka Aur Ek Qaul Yeh Bhi Hai Ke Jummuah Namaz Ke Baad 6 Rakat Parhna Sunnat Hai...

[Al-Qawaa'd Lil Ibn Rajab Hanbali, Safa: 15]

DALEEL NO. 1

حَدَّثَنَا إِسْحَاقُ الْوَاسِطِيُّ، قَالَ حَدَّثَنَا خَالِدٌ، عَنِ الْجَرِيرِيِّ، عَنِ ابْنِ بُرَيْدَةَ، عَنْ عَبْدِ اللَّهِ بْنِ مُغَفَّلٍ
"الْمُرْنِيِّ، أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ " بَيْنَ كُلِّ آدَانَيْنِ صَلَاةٌ - ثَلَاثًا - لِمَنْ شَاءَ "

SANAD:

Ishaq bin Shahyn al-Wasti — —» Khalid bin 'Abdullah al-Tahan — —»

Sa'id bin Iyas al-Jariri — —» Abdullah bin Burayda bin al-Husayb

— —» Abdullah bin Mughfal al-Mazni (Razi)

MATAN:

Abdullah Bin Mughfal Raz Riwayat Karte Hain Rasoolullah S.A.W Ne farmaya- "Harr do Azan (Azan aur Iqamat) Ke Darmiyan Namaz Hai, Aur Farmaya Jo Chahe Woh Parhe"

[Sahih Al-Bukhari, Hd.no-624, Darrussalam]

Tambeeh: Iss riwayat se pata vhalta he ke azaan aur iqamat ke darmiyan namaaz parhne ki junjaish he issi tarah jumma ka pehla azan aur namaz ke pehle bhi sunnat namaz hai Aur yeh sunnat kyu hai iski wazahat aane wale dalilo se sabit hota jayega insha 'allah...

DALEEL NO. 2

حَدَّثَنَا مُحَمَّدُ بْنُ يَحْيَى، حَدَّثَنَا يَزِيدُ بْنُ عَبْدِ رَبِّهِ، حَدَّثَنَا بَقِيَّةُ، عَنْ مُبَشَّرِ بْنِ عُثَيْدٍ، عَنْ حَجَّاجِ بْنِ أَرْطَاةَ، عَنْ عَطِيَّةِ الْعَوْفِيِّ، عَنِ ابْنِ عَبَّاسٍ، قَالَ كَانَ النَّبِيُّ - صَلَّى اللَّهُ عَلَيْهِ وَسَلَّمَ - يَرْكَعُ مِنْ قَبْلِ الْجُمُعَةِ أَرْبَعًا لَا يَفْصِلُ فِي شَيْءٍ مِنْهُنَّ.

SANAD:

Muhammad bin Yahya bin Hiban — — » Yazid bin Abd Rbh — — »
Baqiyya bin al-Walid bin Sa'aid — — » Hajjaj bin Artah — — » Atiya
bin Sa'd — — » Abdullah bin Abbas (Raz)

MATAN:

Abdullah Ibn Abbas Raz. Se riwayat Hai Ke, Rasoolullah S.A.W
Jumuah se Qabal 4 Rakaat Ek Salaam Se Partey The..

[Sunan Ibn Majah, Kitab al-Iqamat al-Salaat Wa Al-Sunnat Fee,
Hd.no: 1183]

>> Isme Ek Raawi "Baqiyyah Bin Al-Walid Bin Sa'aid Rah" Hain
Aur Yeh Sahih Muslim Wagairah Ke Raawi Hain Inko Imam Ibn
Mubarak, Ibn Maeen Rah Ne Sudooq Aur Sabat Kaha Hai Aur
Imam Nasai Aur Ibn Hibban Rah Ne Siqaah Qarar Diya, Imam
Zehbi Rah Ne Sudooq Kaha..

[Meezan al-Aitedaal Lil Zehbi, Jild 1, Raqam: 1250]

DALEEL NO. 3

كان رسول الله يركع قبل الجمعة أربعاً وبعدها أربعاً

Hazrat Abdullah Bin Abbas Raz Farmatey Hain Rasoolullah S.A.W
Jumuah Namaz Se Qabal 4 Rakaat Aur iske(Jumuah) ke Baad 4
Rakaat Parha Karte The...

[Al-Muajjam Al Kabeer Lit Tabarani]

>> Allama Zafar Ahmad Usmani Hanfi Rah Farmatey Hain: "Yeh
Riwayat "Hasan" Hai Aur Ahle Ilm Ka Iss Hadees Par Amal Hai"
[Illaus Sunan, Jild: 7, Safa: 14]

AITERAAZ

Hamari Dalil no. 2 Aur 3 par gair muqallideen aiteraaz karte huye
kehte hain ke isme raavi "Hajjaj Bin Artah" aur "Atiya bin sa'd Al-
Awfi" Zaef Hain...

AL-JAWAAB

"Hajjaj Bin Artah Rah" Sudooq Hain Jinki Tauseeq:

- 1) Imam Abu Zur'ah Ne Sudooq Kaha.
 - 2) Imam Yahya Bin Maeen Rah Ne Sudooq Kaha
 - 3) Imam Yaqoob Bin Shaiba Rah Ne Siqaah Kaha
 - 4) Imam Hibban Rah Bhi Siqaah Shumar Kiya.
- [Tehzeeb At-Tehzeeb, Jild 2, Raqam: 1365]

5) Allama Aini Rah Ne Saccha Kaha Umdatul Qari Sharh Sahih

Bukhari Me...

[Illaus Sunan, jild 7, safa: 14]

6) Hafiz Ibn Hajar Asqalani Rah Ne Inko Qazi Al-Basra, Faqeeh Aur Sudooq Qarar Diya..

[Lisaan Al-Meezan, Jild 7, Raqam: 11981]

>>”Atiya Bin Sa’d Al-Awfi Rah” Ki Tauseeq:

1)Imam Yahya Bin Maeen Rah Ne Inko Salih(Accha) Kaha..

2) Imam Ibn Adi Rah Ne Siqaah Kaha..

[Tehzeeb At-Tehzeeb, Jild 7,Raqam: 6414]

3)Imam Ibn Sa’d Rah Ne Farmaya- “Siqaah Insha Allah”

[Tabaqaat Ibn Sa’d, Raqam: 3553, Jild: 6]

4) Aur Ek Jagah Ibn Sad Rah Farmatey Hain- Woh Siqaah Hai Aur Uske Pass Salih(Acche) Riwayate Hain...

[Illaa’us Sunan Bawahawala Tabaqaat Ibn Saad: 7/14]

5) Hafiz Ibn Hajar Asqalani Rah Farmate Hain Atiya Bin Sa’d Rah “Siqaah Hai”

[Taqreeb al-Tehzeeb, Safa: 393, Raqam: 4616]

DALEEL NO. 4

كان يصلي قبل الجمعة أربعاً وبعدها أربعاً

Hazrat Ali Raz Se Riwayat Hai Ke Rasoolullah S.A.W, Jumuah

Namaz Ke Qabal 4 Rakaat Aur Uske(Jumuah) Baad 4 Rakat Namaz

Parha Karte The...

[Al-Awsat Lit Tabarani, Nasb Al-Rayah: 2/206, Ilmiyyah, Illaus Al-Sunan: 7/13, Idaratul Al-Quran]

>>Iske Tamam Raawi Siqaah Hain..

[Tarhut Al-Tathreeb: 3/36, Ilmiyyah]

>> Hafiz Iraaqi Rah Ne Sanad Ko Sahih Tasleem Kiya Hai..

[Tarh-Al-Tathreeb: 3/35,36, Ilmiyyah]

AITERAAZ

Is Riwayat Me Ek Raawi Muhammad Bin Abdur Rahman As-Sahmi

Rah Hai Jo Zaef Hai...

AL-JAWAAB

Muhammad Bin Abdur Rahman As-Sahmi Ki Tauseeq:

1)Imam Adi Rah Farmate Hain Isme Koi Kharabi Nahi Hai..

2) Imam Ibn Hibban Rah Ne Inko Siqaah Aur Sadooq Qarar Diya..

3)Imam Iraaqi Rah ne iski hadees ko Sahih Tasleem kiya Hai
[Dekhiye Ilaa'us Sunan: 7/13]

DALEEL NO. 5

SANAD:

Imam Ibn Shaibah --> Imam Ma'mar --> Qatadah --> Abdullah
Bin Masood (Raz)

MATAN:

عن عبد الله قال كان يصلي قبل الجمعة أربعاً

Hazrat Abdullah Bin Masood Raz Se Marwi Hai Ke Rasool ullah
Sallallahu Alaihi Wasallam Jumuah Namaz Se Qabal 4 Rakaat Parha
Karte The..
[Musanaff Ibn Abi Shaibah: 4/114, Al-Majlis Al-Ilmi]

>> Iske Ek Ek Raawi Sahih Bukhari Wa Muslim Aur Sunan Ke
Baade Siqaah Rawi Hai Chunanche Riwayat Ala Darjeh Ki Sahih
Hai Ala Shartey Bukhari Wa Muslim...

DALEEL NO. 6

Hazrat Abdullah Bin Umar Raz Se Riwayat Hai Ke Rasoolullah
Salallahu Alaihi Wasallam, Jumuah(Namaz) Se Qabal Aur Baad 4
Rakaat Namaz Ek Salaam Ke Sath Parha Karte The.. Nez Aap
Sallallahu Alaihi Wasallam Jumuah Ke Baad 2 Rakaat Namaaz
Parhte Phir Uske Baad 4 Rakat Parhte The...
[Sharh Ma'ani Al-Aasaar: 1/233, Haqqaniyya]

>>Iski Sanad Hasan Darjeh Ki Hai..
[Aasaar Al-Sunan Safa: 302, Imdadiyyah]

DALEEL NO. 7

Hazrat Abu Hurairah Raz Se Riwayat Hai Ke Rasoolullah S.A.W Ne
Farmaya: "Jo Shakhs Niyat Kare Namaz Ki Toh Woh Jumuah
Namaz Se Qabal 4 Rakat Aur Uske Baad 4 Rakaat Parhe..
[Sharh Mushkil Al-Aasaar At-Tahawi: 10/298, Hd.no: 4108,
Muassasah Al-Risalah]

DALEEL NO. 8

عن أبي عبد الرحمن السلمي قال: كان عبد الله يأمرنا أن نصلّي قبل الجمعة أربعاً ، وبعدها أربعاً

SANAD:

Imam Abdur Razzaq --> Imam Sufyaan As-Sauri --> Ata Bin As-
Saib --> Abdur Rahman As-Salami --> Abdullah Bin Masood(Raz)

MATAN:

Abu Abdul Rahman Al-Sulami Rah Riwayat Karte Hain, Abdullah Bin Masood Raz Hamme(Tabain) Jumuah Ke Namaz Se Qabaal 4 Rakaat Aur Jumuah Namaz Ke Baad 4 Rakat Sunnat Parhne ka Farman Dete The..

[Musanaff Abdur Razzaq: 3/247, Idaratul Quran]

>> Allama Zafar Ahmad Usmani Rah Farmatey Hain Yeh Aasar "Marfo Huqman" Hai..

[Illaus Sunan: 7/12]

>>Imam Haysami Rah Ne Iss Hadees Ko Al-Kabeer Me Bhi Laye Hain..

>>Iss Riwayat Ki Sanad Sahih Hai...

[Aasaar Al-Sunan, Safa: 303, Imdaadiyyah]

AITERAAZ

Ghair Muqallideen Ka Wohi Purana Khokla Iteraaz Jisse Unki Pura Firqa Tikka Hua Hai Ke Isme Sufyaan As -Sauri Mudallis Hain Aur "An" Se Riwayat Karrahe Hain Chunanche Rieayat Zaef Hai...

AL-JAWAAB..

Imam Sufiyan Sauri Rah. Tabqaat E Saaniya Ke Mudallis Hai Aur Darj E Zail Muhaddiseen Ne Unhe Tabqaat E Saaniya Me Shumaar Kiya Hai....

1.Hafiz Ibn Hazm Mazahiri Rah..

(Bahawala Tauji An Nazr:251)

2.Hafiz Salahuddin Al Alaayi Rah..

(Jamiut Tehseel Fii Ahkaamil Maraasil : Safa 130)

3.Hafiz Ibn Hajar Asqalaani

Rah..

(Tabqaatul Mudalliseen :13)

4.Hafiz Burhaan Uddin Al Ajami Rah Ne Imam Sufiyan Suri Rh. Ko

Mudallis Qaraar Dene Ke Baad Safa 65 par Hafiz Al Alaayi Rh. Ke

Usool Mutaabiq Tabqaat E Saaniya Ka Mudallis Qaraar Diya....

(Kitaab Tabheen Al Asmail Mudalliseen :21)

5. Hafiz Tahir Bin Saleeh Al Jazaa-Eri Rah..

(Bahawala Tauji An Nazr :251)

6.Alama Muhammed Bin Ismailiya Al Ameer Al Yamaani Rah

(Tauzihul Afkaar Li Ma'ani Tanqeehul Anzaar : Jild 1 :Safa 360)

7. Imam Abu Zara'a Iraaqi Rah Ne Kitaabul Mudalliseen :Safa 52
 Par Imam Sufiyan Suri Rh. Ko Mudallis Qaraar Dene Ke Baad Safa
 109 par
 Hafiz Al Alaayi Ke Usool Mutaabiq Tabqaat E Saaniya Ka Mudallis
 Qaraar Diya...

8.Imam Ibn Hajar Asqalaani Rh. Ne Apni Kitaab An-Nukat Jild 2 :
 Safa 639 par Sufiyan suri ko tabqaat e saaniya ka Mudallis qaraar
 hai...

Ghair Muqallideen Ulama Ne Bhi Sufiyan Suri Ko Tabqaat E
 Saaniya Me Shumaar Kiya Hai...

1. Ghair Muqallid Yahiya Gondalwi. (Khairul Baraaheen : 26 ,
 Khairul
 Kalaam : Safa 47)

2. Maulana Badi Uddin Shah Raashidi...

3. Maulana Abdur Rasheed

Ansaari...

(Juraabo par Masah :40)

Lehaaza Taqbaat E Sanaaiya Ki Mudallis Ki Riwayat Qaabil E
 Aitejaaj Hai...

Nez Imam Bukhari Rahimahullah Ne Sufyaan Sauri Rah Se "An" Se
 6 Riwayat Karda Hadees Ko Apni Sahih Me Dakhil Kiya Hai....

1.Sahih Bukhari Kitab Al Imaan,Baab-Alaamatil Munafiq

2.Sahih Bukhari Kitab Al Ilm Baab-Al-Ghazabi Fil Mauziah Wa At
 Ta'leem

3.Kitab Al Wazu Baab-Al-Wazu Min Ghairi Hadas

4.Kitab Al Wazu Baab Al Buzaaqi Wa Al-Mukhaat

5.Kitab Al-Hajj Baab Man Salla Al-Asr

6.Kitab Al Maghaazi Baab Hajjat Al Widaa

Isse Sabit Hota He Ke Imam Sufyaan Sauri Rah Ki "An" Se Riwayat
 Karda Hadees Imam Bukhari Rah Ke Nazdeek Sahih Thi...

Imam Muslim Rah Ne Bhi Apni Sahih Me Sufyan Sauri Rah Se 6
 "An"Se Riwayat Karda Hadees Laaye Hain Jo Darje Zail Hai...

1.Sahih Muslim Kitab Al Massajid Baab Ad Daleel Liman Qaala As-
 Salaat Al-Wustaa

2.Kitab Az-Zakaat

3.Kitab Al-Hudood Baab Hadd Al-Khamr

4.Kitab Al Qadar Baab-Ma'na Kulla Maulood Yooladu Alal Fitra

5.Kitab Az-Zuhad War Raqaiq

6.Kitab Az-Zuhad War Raqaa'iq Baab-An-Nahii An Al-Madh

Lehaza Isse Sabit Hogaya Ke Imam Muslim Rah Ke Nazdeek Bhi
Sufyaan Sauri Rah Ki "An" Se Riwayat Karda Hadees Sahih Hai...

Mazeed Imam Sufyaan Sauri Siqah Raawi Hain Aur Kaseerul
Tadlees Nahi The Isliye Yeh Tabaaqaat Al-Mudalliseen Me Dusre
Number Hain..
Inki "An" Se Riwayat Karda Sahih Bukhari Wa Muslim Ki Hadeeso
Ke Liye Iss Link Pe Dekhein...

<https://batilfirqokihageeqat.wordpress.com/2014/11/20/imam-sufyaan-sauri-rah-sahih-bukhari-wa-muslim-me-bhi-an-se-riwayat-ki-hai/>
(<https://batilfirqokihageeqat.wordpress.com/2014/11/20/imam-sufyaan-sauri-rah-sahih-bukhari-wa-muslim-me-bhi-an-se-riwayat-ki-hai/>).

Chunanche Yeh Riwayat Sahih Hai Aur Gair Muqallideen Ka
Aiterazz Khokla Aur Batil Hai..
Aisa Aiterazz Ghair Muqallideen Apni Seene Pe Hath Bandhne
Wali Riwayaton Pe Kyun Nahi Karte??
Aur Apni Matlab Ki Baat Ayi Toh Sahih Bukhari Wa Muslim Ki
Raawi Imam Sufyaan As-Sauri Par bhi Jirah Kardete Hain...

DALEEL NO. 9

عن صافية ، قالت : رأيت صفية بنت حيي رضي الله عنها ، صلت أربع ركعات قبل خروج الإمام للجمعة ، ثم صلت الجمعة مع الإمام ركعتين.

SANAD:

Imam Ibn Sa'd--> Yazeed Bin Haroon --> Hammad Bin Salima -->
Saafiyah --> Safiyah Bint Huyay (Razi)

MATAN:

Safiyah Rah Kehti Hain Mein Ne Safiyyah Bint Huyay Raz Ko Imam
Ke Jumuah Ki Namaz Ke Liye Tashreef Lanese Qabal, Unko, 4
Rakat Namaz Parhte Dekhi, Phir Unhone Imaam Ke Sath Salatul
Jumuah Adda Ki..
[Al-Tabaaqaat: 2/203, Nasbur Al-Raayah: 2/207, Makkiyyah]

DALEEL NO. 10

(Sahaba Raziallahutallanhum Ka Amal-E-Mubarak)

عن إبراهيم قال كانوا يصلون قبلها أربعاً

Ibraheem(Al-Nakhai) Rahimahullah Farmate Hain: Sahaba Razi
allahu tallanhum Jumuah Ke Namaz Se Qabal 4 Rakaat Namaz
Parha Karte The..
[Musanaff Ibn Abi Shaibah: 4/114, Al-Majlis Al-Ilmi]

AITERAAZ

Isme Imam A'mash Rah Jo Mudalis Hai Aur Riwayat Zaef Hai..

AL-JAWAAB..

Me Ghair Muqallidon Ko Kehna Chata Hu Aap Imam A'mash Rah Ko Kaunse Tabaaqat Ka Muddallis Shumar Kiya Hai??

Bulke Imam A'mash Rah Sahih Bukhari Ki Raawi Sahih Muslim Ke Rawi Aur 4 Sunan Ke Mashoor Maroof Siqah Wa Sudooq Imam Faqeeh Raawi Hain...

Chunanche Imam Bukhari Rah Ne Inse Bohot Si "an" se Riwayat Karda Ahadees Li Hai Jaise Tayannum Ki Hadees No-343, Kitabul Hajj Ki No-806, As-salam Hd.no- 454, 578 Wagairah Aur Ussi Tarah Imam Muslim Rah Ne Bhi Unki "An" Ki Riwayat Sahih Qarar Diya Hai...

Yehi Wajah Hai Ke Hafiz Ibn Hajar Asqalani As-Shafai Rah Ne Inko Tabaaqat-E-Sanayyah Ka Muddallis Qarar Diya (Jo Raawi Kam Tadles Kare)
[Tabaaqat Al-Mudalliseen Safa: 43]

Sahih Bukhari Me Inke 366 Ahadees Hain...
Sahih Muslim Me 376 Ahadees Hain..
Sunan Abi Dawood Me 189
Sunan Nasai Me 223
Sunan Ibn Majah Me 266
Sunan Tirmizi Me 228

Chunanche Zabardast Siqah Raawi Hain Bade Mautabar Raawi Hain...

1) Imam Ibn Hibban Rah Ne Siqah Qarar Diya..
[Siqaat Ibn Hibban, Jild: 4, Raqam: 3014]

2) Imam Yahya Bin Saeed Al-Qattan Rah Ne Inko "Islam Ke Alim Kaha"

3) Imam Zehbi Rah Inko Shaikhul Islaan, Shaikhul Muqaraeen Wa'l Muhaddiseen, Hafiz Islam Jaise Alfaz Istemal Kiye...
[Seeyar A'lam Al-Zehbi Jild: 6 Safa 226-248]

3) Imam Haysami Rah Ne Inko Siqah Qarar Diya Hai...
[Majmua zawaid, Silsilatul Al-Hadees Al-Sahihah Lil Albani]

4) Hafiz Ibn Hajar Asqalani Rah Ne Inke Bareme Farmaya Hafiz, Wal Qurrah, Siqaah, Arif Bil Qiraat Imam A'mash Al-Koofi Rahimahullah...
[Lisan Al-Meezan, Jild: 7, Raqam: 12617, Taqreeb Al-Tehzeeb, Safa: 254, Raqam: 2615]

Chunanche Imam A'mash Rah Par Yeh Aiteraz Durust Nahi Aur Yeh Sahihain Ke Raawi Bhi Hain Aur Jamhoor Ke Nazdeek Siqaah Hain..

DALEEL NO. 11

حَدَّثَنَا مُسَدَّدٌ، قَالَ حَدَّثَنَا يَحْيَى، عَنْ شُعْبَةَ، عَنْ إِبْرَاهِيمَ بْنِ مُحَمَّدٍ بْنِ الْمُثَنَّى، عَنْ أَبِيهِ، عَنْ عَائِشَةَ - رَضِيَ اللَّهُ عَنْهَا - أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ لَا يَدْعُ أَرْبَعًا قَبْلَ الظُّهْرِ وَرَكَعَتَيْنِ قَبْلَ الْعَدَاةِ.. تَابِعَهُ ابْنُ أَبِي عَدِيٍّ وَعَمَرُو عَنْ شُعْبَةَ

SANAD:

Masdad bin Masrhad — —» Yahya bin Sa'id bin Farroukh al-Qatan — —» Shu'bah bin al-Hajjaj — —» Ibrahim bin Muhammad — —» Muhammad bin al-Muntashir bin al-Ajda — —» Aisha bint Abi Bakr(Raz)

MATAN:

Ammi Aisha Razi Se Riwayat Hai Ke Rasoolullah (Sallallahu Alaihi Wasallam) Zohr Se Pehle 4 Rakatein Aur Fajr Se Qabal 2 Rakatein Kabhi Nahi Chodhtey The...
[Sahih Bukhari Jild1 Safa 157, Babul Palatine. Qablul Zohar, Hd.no-1182]

Isme Jumma Bhi Shamil Hogaya Jo Zohr Ke Waqt Parha Jata Hai...

DALEEL NO.12

حَدَّثَنَا أَبُو بَكْرِ بْنُ أَبِي شَيْبَةَ، حَدَّثَنَا يَزِيدُ بْنُ هَارُونَ، حَدَّثَنَا مُحَمَّدُ بْنُ عَبْدِ اللَّهِ الشَّعْبِيُّ، عَنْ أَبِيهِ، عَنْ عَنَسَةَ بِنْتِ أَبِي سُفْيَانَ، عَنْ أُمِّ حَبِيبَةَ، عَنِ النَّبِيِّ صَلَّى اللَّهُ عَلَيْهِ وَسَلَّمَ - قَالَ " مَنْ صَلَّى قَبْلَ الظُّهْرِ أَرْبَعًا وَبَعْدَهَا أَرْبَعًا حَرَّمَ اللَّهُ عَلَى النَّارِ "

SANAD:

Abu Bakr bin Abi Shayba — —» Yazid bin Haroon — —» Muhammad bin Abdullah bin al-Muhajir — —» Unbasa bin Abi Sufyan — —» Umm Habibah bint Abi Sufyan(Raz)

MATAN:

Umme Habiba Razi Farmati Hain Ke Rasool ALLAH Sallallahu Alaihi Wasallam Ne Farmaya Ke Jisne Zohr Se Pehle 4 Rakat Aur Zohar Ke Baad 4 Rakat Padhi Toh ALLAH Tala Usko Aag Par Haram Farmaa Denge..
[Jami Tirmizi Jild1 Safa98, Baab Aakhir Min Sunnil Zohar, Sunan Ibn Majah, Kitabal Iqamat Al-Salaat Wal-Sunnat Fee, Hd.no: 1215, Darusalaam Darjah-Sahih]

DALEEL NO. 13

وَحَدَّثَنَا يَحْيَى بْنُ يَحْيَى، أَخْبَرَنَا خَالِدُ بْنُ عَبْدِ اللَّهِ، عَنْ سُهَيْلٍ، عَنْ أَبِيهِ، عَنْ أَبِي، هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ " إِذَا صَلَّى أَحَدُكُمْ الْجُمُعَةَ فَلْيُصَلِّ بَعْدَهَا أَرْبَعًا "

Tarjumah: Hazrat Abu Hurairah Raz Se Riwayat Hai Ke Rasoolullah S.A.W Ne Farmaya: Jab Tum mese Koi Jumuah Ki Namaz Parhe Toh Chaiye Ke Iske Baad 4 Rakat Aur Parhe..
[Sahih Muslim Baab Al-Salaat Ba'dal Jumuah, Hd.no: 881]

DALEEL NO. 14

حَدَّثَنَا ابْنُ أَبِي عُمَرَ، حَدَّثَنَا سُفْيَانُ، عَنْ سُهَيْلِ بْنِ أَبِي صَالِحٍ، عَنْ أَبِيهِ، عَنْ أَبِي هُرَيْرَةَ، قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ " مَنْ كَانَ مِنْكُمْ مُصَلِّيًا بَعْدَ الْجُمُعَةِ فَلْيُصَلِّ أَرْبَعًا "

SANAD:

Ibn Abi Umar→ Sufyaan→ Sohail Bin Saleh→> Saleh→> Abu Hurairah (Razi)

MATAN:

Hazrat Abu Hurairah Razi Se Riwayat Hai Ke Allah ke Rasool sallallahu alaihi wasallam ne farmaya: "Tum me se jo Jumu'ah ke baad namaz padhne wala ho to chaye ke wo 4 Rak'at padhe "

. قَالَ أَبُو عِيسَى هَذَا حَدِيثٌ حَسَنٌ صَحِيحٌ .

>>Imam Tirmizi Rah ne farmaya yeh Hadees Hasan Saheeh hai..

[Jami Tirmizi, Kitab Al-Jumuah, Hd.no: 523, Sunan Nasai Kitab Al-Jumuah, Hd.no: 1437, darrusalam]

>>Imam Tirmizi Rah Farmatey Hain:

حَدَّثَنَا الْحَسَنُ بْنُ عَلِيٍّ حَدَّثَنَا عَلِيُّ بْنُ الْمَدِينِيِّ عَنْ سُفْيَانَ بْنِ عُيَيْنَةَ قَالَ كُنَّا نَعُدُّ سُهَيْلَ بْنَ أَبِي صَالِحٍ ثُبَّتًا فِي الْحَدِيثِ وَالْعَمَلِ عَلَى هَذَا عِنْدَ بَعْضِ أَهْلِ الْعِلْمِ

Hasan Bin Ali→Ali Bin Madeeni→ Sufyan Bin Uyaina ne farmaya Hum Suhail Bin Abu Saleh Ko Hadees me Sabat Shumaar karte hain...

[Jami Tirmizi, Kitabal Jumuah, Hd.no: 523]

>>Hazrat Abu Hurairah Raz Ki Yeh Riwayat Karda Marfoo Hadees Ahmad Bin Yunous Rah Ki Sanad Se Bhi Marwi Hai...

[Sunan Abu Dawood, Kitab Al-Salaat, Hd.no: 1131]

DALEEL NO. 15

حَدَّثَنَا أَبُو بَكْرِ بْنُ أَبِي شَيْبَةَ، وَزُهَيْرُ بْنُ حَرْبٍ، وَابْنُ، نُمَيْرٌ قَالَ زُهَيْرٌ حَدَّثَنَا سُفْيَانُ، ابْنُ عُيَيْنَةَ حَدَّثَنَا عَمْرُو، عَنِ الزُّهْرِيِّ، عَنْ سَالِمٍ، عَنْ أَبِيهِ، أَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يُصَلِّي بَعْدَ الْجُمُعَةِ رَكْعَتَيْنِ.

Tarjumah: Salim Rah Apne Walid Ibn Umar Raz Se Riwayat Karte Hain Ke Rasoolullah S.A.W Jumuah Ke Baad 2 Rakaat Namaz Parhte The..

[Sahih Muslim Kitaab Al-Jumuah, Baab Al-Salaat Badal Jumuah, Hd.no: 882]

NOTE: Chunanche Allah Ke Rasool S.A.W Ka Huqam Aur Amal Dekha Jaye Jo Dalil No 13, 14, 15 me guzri Hain Sab Dalilo Ko Jama Kiya Jaye Toh, Jumuah Ke Baad Ki 4 Rakat Sunnat- E-Muaqadah Hui Jo Allah Ke Rasool S.A.W Ka Huqam Tha Aur Amal Bhi Tha Phir Rasool Ke Apna Amal 2 Rakat Sunnat-E-Gair Muaqadah Ka

Hua Aur In Sab Dalail Ko Jamma Karnese Sab Ahadeeso Pe Amal
Bhi Hojata Hai Alhamdullilah Aur Ibn Umar Raz Ka Bhi In Sab
Dalail Par Amal Tha Jo Darj-E-Zail Hai...

DALEEL NO. 16

حَدَّثَنَا إِبْرَاهِيمُ بْنُ الْحَسَنِ، حَدَّثَنَا حَجَّاجُ بْنُ مُحَمَّدٍ، عَنْ ابْنِ جُرَيْجٍ، أَخْبَرَنِي عَطَاءٌ، أَنَّهُ رَأَى ابْنَ عُمَرَ
يُصَلِّي بَعْدَ الْجُمُعَةِ فَيَنْمَازُ عَنْ مُصَلَّاهُ الَّذِي، صَلَّى
فِيهِ الْجُمُعَةَ قَلِيلًا غَيْرَ كَثِيرٍ قَالَ فَيَرْكَعُ رَكْعَتَيْنِ قَالَ ثُمَّ يَمْشِي أَنْفَسَ مِنْ ذَلِكَ فَيَرْكَعُ أَرْبَعَ رَكَعَاتٍ قُلْتُ
لِعَطَاءٍ كَمْ رَأَيْتَ ابْنَ عُمَرَ يَصْنَعُ ذَلِكَ قَالَ مَرَارًا قَالَ أَبُو دَاوُدَ وَرَوَاهُ عَبْدُ الْمَلِكِ بْنُ أَبِي سُلَيْمَانَ وَلَمْ
يُتِمَّهُ

SANAD:

Imam Abu Dawood --> Ibraheem Bin Haroon --> Hajjaj bin
Muhammad al-Musaysi — — » Ibn Jurayj — — » Ata bin Abi Rabah —
--> Ibn Umar(Raz)

MATAN:

Ibn Jurayj Rah Kehte Hain Ke Ata (bin Abi Rawah) Rahimahullah
Ne khabar di Ke Unhone Ibn Umar Razi Ko Jumuah Ke Baad
Namaz Parhtey Huye Dekha. Woh (Ibn Umar Raz) Jahan Jumuah
Parhi Thi Waha se Kuch Durr Gaye Aur Unhone 2 Rakat Parha Phir
Woh Uss Jagah Se Aur Durr Gaye Aur 4 Rakaat Parha. Mein Ne Ata
Rah Se Pucha- Aapne Kitne Martaba Ibn Umar Raz Ko Aisa Karte
huye Dekha? Toh Farmaya- "Bohot Martaba"...
Imam Abu Dawood Rah Farmate Hain- "Yeh Abdul Malik Ibn Abu
Sulayman Rah Se Bhi Mukhtasar Marwi Hai"
[Sunan Abu Dawood, Kitab Al-Salaat, Hd.no: 1133, Mustadrak
Hakim: 1/398,399, Darul Fikr Beirut 2002]

--> Imam Hakim Rah Farmatey Hain- "Iski Sanad Bukhari Wa
Muslim Ke Sharht Par Sahih Hai"
[Mustadarak Hakim: 1/399]

♥IMAM TIRMIZI (RAH) KA FARMAN

وَرَوَى عَنْ عَبْدِ اللَّهِ بْنِ مَسْعُودٍ أَنَّهُ كَانَ يُصَلِّي قَبْلَ الْجُمُعَةِ أَرْبَعًا وَبَعْدَهَا أَرْبَعًا

Aur riwayat kiya gaya hai Abdullah bin Masood Razi Allahu anhu
ke woh Jumaa se pehle aur baad me 4 Rakaat namaz padha karte
the..

وَقَدْ رَوَى عَنْ عَلِيِّ بْنِ أَبِي طَالِبٍ رَضِيَ اللَّهُ عَنْهُ أَنَّهُ أَمَرَ أَنْ يُصَلَّى بَعْدَ الْجُمُعَةِ رَكْعَتَيْنِ ثُمَّ أَرْبَعًا .

Aur riwayat kiya gaya hai Hzt Ali Bin Abi Talib raz se ke unho ne
Hukm diya ke Juma ke baad 2 Rakat phir 4 Rakat padhne..

وَذَهَبَ سُفْيَانُ الثَّوْرِيُّ وَابْنُ الْمُبَارَكِ إِلَى قَوْلِ ابْنِ مَسْعُودٍ .

Sufyan Sauri Aur Abdullah Ibn Mubarak rah Hazrat Abdullah Bin
Masood raz ke Qaul ki taraf gaye hain..

وَقَالَ إِسْحَاقُ إِنْ صَلَّى فِي الْمَسْجِدِ يَوْمَ الْجُمُعَةِ صَلَّى أَرْبَعًا وَإِنْ صَلَّى فِي بَيْتِهِ صَلَّى رَكْعَتَيْنِ.

Aur Ishaq rah kehte hain ke agar Juma ke din Masjid me Namaz padhe to 4 Rakat padhe aur agar apne Ghar me padhe to 2 Rakat padhe..

وَاحْتَجَّ بِأَنَّ النَّبِيَّ صَلَّى اللَّهُ عَلَيْهِ وَسَلَّمَ كَانَ يُصَلِّي بَعْدَ الْجُمُعَةِ رَكْعَتَيْنِ فِي بَيْتِهِ وَحَدِيثُ النَّبِيِّ صَلَّى اللَّهُ عَلَيْهِ وَسَلَّمَ " مَنْ كَانَ مِنْكُمْ مُصَلِّيًا بَعْدَ الْجُمُعَةِ فَلْيُصَلِّ أَرْبَعًا "

Aur unho ne daleel pakdi hai ke Nabi Kareem sallallahu alaihi wasallam Juma ke baad apne ghar me 2 Rakat Namaz padha karte the aur Nabi Kareem sallallahu alaihi wasallam ki hadees "Tum me se jo Juma ke baad Namaz padhe to chahye ke woh 4 Rakat Namaz padhe "

قَالَ أَبُو عِيسَى وَابْنُ عُثْمَانَ هُوَ الَّذِي رَوَى عَنِ النَّبِيِّ صَلَّى اللَّهُ عَلَيْهِ وَسَلَّمَ أَنَّهُ كَانَ يُصَلِّي بَعْدَ الْجُمُعَةِ رَكْعَتَيْنِ فِي بَيْتِهِ وَابْنُ عُثْمَانَ بَعْدَ النَّبِيِّ صَلَّى اللَّهُ عَلَيْهِ وَسَلَّمَ صَلَّى فِي الْمَسْجِدِ بَعْدَ الْجُمُعَةِ رَكْعَتَيْنِ وَصَلَّى بَعْدَ الرَّكْعَتَيْنِ أَرْبَعًا

Abu Eisa Tirmizi kehte hain Aur Ibne Umar raz wo hain jinho ne riwayat kiya hai Nabi kareem sallallahu alaihi wasallam se ke wo Juma ke baad 2 Rakat apne ghar me padhte the aur Ibne Umar raz Nabi kareem sallallahu alaihi wasallam ke baad Masjid me Juma ke baad 2 rakat padhte aur 2 Rakat ke baad 4 Rakaat padhte..

حَدَّثَنَا بِذَلِكَ ابْنُ أَبِي عُمَرَ، حَدَّثَنَا سُفْيَانُ بْنُ عُيَيْنَةَ، عَنِ ابْنِ جُرَيْجٍ، عَنْ عَطَاءٍ، قَالَ رَأَيْتُ ابْنَ عُمَرَ . صَلَّى بَعْدَ الْجُمُعَةِ رَكْعَتَيْنِ ثُمَّ صَلَّى بَعْدَ ذَلِكَ أَرْبَعًا

Isi tarah Ibne Abi Umar hadees bayan karte hain->Sufyan Bin Uyaina->Ibne Juraij->Ataa farmate hai maine ibne Umar razi Allahu anhu ko dekha Juma ke baad 2 Rakat padhte phir uske baad 4 Rakat padhte..

حَدَّثَنَا سَعِيدُ بْنُ عَبْدِ الرَّحْمَنِ الْمَخْزُومِيُّ حَدَّثَنَا سُفْيَانُ بْنُ عُيَيْنَةَ عَنْ عَمْرِو بْنِ دِينَارٍ قَالَ مَا رَأَيْتُ أَحَدًا أَنْصَلَ لِلْحَدِيثِ مِنَ الزُّهْرِيِّ وَمَا رَأَيْتُ أَحَدًا الدَّانِيئِرُ وَالْدَّرَاهِمُ أَهْوَنُ عَلَيْهِ مِنْهُ إِنْ كَانَتِ الدَّانِيئِرُ وَالْدَّرَاهِمُ عِنْدَهُ بِمَنْزِلَةِ الْبَعْرِ . قَالَ أَبُو عِيسَى سَمِعْتُ ابْنَ أَبِي عُمَرَ قَالَ سَمِعْتُ سُفْيَانَ بْنَ عُيَيْنَةَ يَقُولُ كَانَ عَمْرُو بْنُ دِينَارٍ أَسَنَ مِنَ الزُّهْرِيِّ

Sayeed Bin Abdur rahman Makhzoomi ->Sufyan Bin Uyaina-> Amar Bin Deenar ne farmaya Maine Hadees ke baare me Zohri se ziada kisi ko Qatii nahi paya aur maine nahi dekha kisi ko Dinar o Dirham ke mamle un se ziada Unko Haqeer o Zaleel samajhne wala nahi dekha, ke Dirham o dinar unke Nazdeek Mengni ke maannind tha. Abu Eisa ne kaha Maine Ibne Abi Umar se suna unho ne farmaya maine Sufyan Bin Uyaina se suna wo farmate hain ke Amr Bin Dinaar Zohri se ziada umr wale the...

[Jami Tirmizi, Kitab al-jumuah, Jild: 1, Hd.no: 523]

Chunanche Yeh Ahle Sunnat Wal Jammat Ahnaf Ke Dalail Hain Aur
Bejhijak Bhaiyon Jumuah Se Qabal 4 Rakat Aur Uske Baad 6 Rakat
Sunnat Parhein....

Min Janib: Md Avaiz Hussain Hanafi..

Jumma Ke Fazail / Masail / Dalail

BLOG AT WORDPRESS.COM.